

Мана кўцл

Кзыл-Ординск областин, Аральск балгъсна 5-ч номертә тосхлтин участкт модна урч, модна нәрн урн, бетонщик, штукатур болдж кесг хальмг кōвӯд-кӯӯкд кōдлджәнә.

1956 джил хальмг 20 кōвӯд-кӯӯкдәс бетонщикӯдин хойр бригад бӯрдәгдлә. Эднд бригадирмӯд болснь ўр Оргодулов С. Б. болн Эрмалиев М. Б. Эн хойр бригад производственн зурагъан сар болгън 180-200 процент кӯргдж кӯцәнә. Тосхлтин „Кзыл-Орда“ трестәс, Кӯндллгънә грамотар ачлгдснь чигн эдн дунд оln бәәнә.

Хальмг танъгъчд кедж кӯцәгддж йовх ик тосхлтин кōдлмшиг ўр Оргодулов С. болн Эрмалиев М. данъгин „Хальмг ўнн“ газет умшлдж, цәәлгъдж õгнә. Тӯўнәс талдан, „Советская Калмыкия“ газет болн „Теегин герл“ журнал чигн умшнавдн.

Тõрски газртан кӯрч, тосхлтин ик кōдлмшт орлцх—мана кӯләджәх кӯцл.

А. ДОРДЖИЕВ.